

EGURALDIA. Jaurlaritzak esan du agian hamar zentimetroko elur geruza izango dela 24 ordutan

Iragarpenek diote gaur elurra kostalderaino ere irits daitekeela

Euskal Herri osoan indarrean dira elurrari aurre egiteko bideragarritasun planak

Erredakzioa | **DONOSTIA**

Gaur arratsaldetik Ipar Europa-ko fronte hotz batek hotza eta elurra ekarriko ditu Euskal Herri osora. Elurra 700 metrotik goiti egingo du eguerdira arte, baina handik aurrera beherago ere egingo du, eta baliteke ilunabarrean kostaldean bertan elurra egitea, Espainiako eta Frantziako meteorologia institutuek iragarri dutenez.

Eusko Jaurlaritzak berak indarrean jarri du Neguko Bideragarritasun Plana, aurreko egunotan Nafarroako Gobernuak egin duen gisara. Jaurlaritzako Trafiko Zuzendaritzak iragarri duenez, 200 metro inguruan

elurra egingo du arratsaldetik aurrera, eta 24 orduko epean akaso hamar zentimetrotik gorako elur geruza izango dela esan du. Horri aurre egiteko, Jaurlaritzak Neguko Bideragarritasun Plana jarriko du indarrean Araba, Gipuzkoa eta Bizkaiko aldundiekin batera. Jaurlaritzak jakinarazi du une oro jakin ahal izango dela errepideen egoera www.trafico.euskadi.net web orrian sartuz.

Bestalde, Iruñeko Mankomunitateak gogorarazi du izotzak hoditeriei eta ur kontatzaileei kalte egin diezaiekeela eta horregatik iturria pitin bat irekita uztea komenigarria dela, korrontea erabat eten ez dadin.



JON URBE / ARGAZKI PRESS

ELURRA MENDIETAN. Gaur kostaldera iritsiko omen da elurra, baina egunotan jadanik zurutitu ditu mendi inguruak, Txindoki esaterako.

Mankomunitateak dio izotzak okerrak egin ditzakeela eraikin zaharretan, familia bakarreko etxebizitzetan eta hoditeriak eta ur kontatzaileak kanpoan dituzten lantegietan.

Biharko ere elurra iragarri dute Euskal Herri osoan, eta kos-

taldean elurra egingo duela. Larunbaterako ere elurra iragarri dute, baina pixkanaka atertzen hasiko duela. Iganderako elur arriskurik ez da izango jadanik, soilik Nafarroako Pirinioetan, Espainiako Institutu Meteorologikoak iragarri duenez.

JON ALBISU | METEOROLOGOA

«Sistema ekonomikoaren beste ondorio bat da eguraldiari begiratzeko modua»

I. Petxarroman | **DONOSTIA**

Eguraldiak hotzaldi nabarmena dakarrela dio Jon Albisu meteorologoak, baina luzerako ez dela izango adierazi du.

■ Aurreikuspenek diote oso behera elurra egingo duela gaurtik aurrera. Hala al da?

Bai. Badator negua, ez bakarrik kronologikoki, baita meteorologikoki ere. Euskal Herrian dagoeneko badugu elurra, eta negu gorriaren ezaugarri garrantzitsuena bihurtik aitzina ikusten eta sentitzen hasiko gara. Herenegun Tafallan elurra egin zuen, Arabako lautadan, Iruñerrian... Nafarroa Garaiko, Nafarroa Behereko eta Zuberoako bazter askotan ere elurra egin du. Atzo geldiuene bat egon zen, nahiz eta Pirinioetan elurra ari zuen. Gaur ipar-ekialdeko haizea sartuko da, hotz eta kontinental. Atzo Helsinkin (Finlandia) 47 gradu zero azpitik izan zituzten, esaterako. Baina, beno, guztiz normala da; garaian garaikoa zioten gure zaharrek eta guk ere horri eutsi

behar diogu. Duela bi astez eguraldia da normala ez dena.

■ Baina hainbesterako izango al da?

Beno, gaur ipar-ekialdeko haize horrek tenperaturen beherakada ekartzeaz gain, negu gorria ikusteko aukera emango digu arratsaldetik aitzina, bereziki eguneko azken orduetan, eta batik bat ostiralera begira, edozein lekutan bota baitezake elurra. Edozein lekutan esaten dugunean, itsasertzean ere bai. Badirudi larunbatetik aurrera antizikloi egoera nagusituko dela, eta, beraz, giro ona egingo duela, hotza baina ona. Beraz, elurra 36 ordura mugatuko litzateke, gaur arratsaldetik aitzina larunbat goizera arte alegia. Beraz, negu gorriaren azarnak bai, negu gorri bete-be-tea ez.

■ Egun mundu guztia asaldatzen da elurra egingo duela esaten duten bakoitzean; ematen du alarma sortzeko joera dugula denen artean. Negua negua dela ahazten ari al zaigu?

Beno, eguraldi honek izotz plakak ekartzen ditu errepideetan, arazoak... Jendea larritzen da. Badirudi hemen gertatu arte ez direla gauzak esaten alarmari dagokionez. Ez gara ahaztu negua negua dela, baina negua ez da duela 50 urteko negu bera, errepideak ere ez dira orduko berak, tenperaturak eta eguraldiaren fase atmosferikoak ez dira gertatzen lehen bezala. Elurra lehen askoz ere egun gehiagotan egiten zuen. Egun, ez du egiten jarraian eta denbora gutxian egiten du, eta hori antzematen da. Oroimen historikoa meteorologian ere oso txikia da. 1984an Euskal Herria 15 egunetan kolapsatuta egon zen elurtea zela medio. 18 urte baino ez dira pasatu eta jendea ez da gogoratzen.

■ Beste era batera begiratzeko zaio neguari gaur egun?

Bai, jendeak ez dio begiratzen garai batean bezala, beharrak eraginda. Lehen sektorea indartsua zenean jendeak begiratzeko zion eguraldiari, baina egun asteburuan zer egingo

duen jakiteko begiratzen dio jendeak. Aldatu egin da eguraldiarekiko eta elurraren etorrerarekiko ikuspegia. Jendeak erantzunak azkar behar ditu, eta horretarako alarma sortzen da instantzia ofizialetatik. Orduan jendeak barneratua du gerta daitekeela, eta gero ez bada gertatzen, bada, hobe. Azken finean, sistema ekonomikoaren beste ondorio bat da eguraldiari begiratzeko modu berria.

■ Hala ere, duela 50 urte Donostian elurra egitea ere ez zen izango hain normala?

Bai, egiten zuen. Duela 50-70 urteko elurteak kontuan harturik. Ikusi besterik ez da orduko instantzia ofizialen aktak. Batzar Nagusien bilerak askotan atzeratu egiten ziren. Lehen gehiago egiten zuen, eta egun gehiagotan. Bakoitzaren beharrak ere ez ziren oraingoak, eta inportantena, jendearen bizimodua, eta hori aitzina eramateko eta pertzibitzeko lehentasunak ez ziren lehengokoak.

■ Hotzaldi honen ondoren, hego haizea berriro?

Bai, badirudi datorren igandetik aurrera horrela segitzeko itxura guztia duela eguraldiak.

EPAIKETA

Akusatuak onartu egin du bi adingabeei sexu abusuak egin zizkiela

Agentziak | **DONOSTIA**

Irunen bi anaia adingaberi sexu erasoak egiteagatik atzo epaitutako gazteak adierazi zuen erruduna dela onartu eta bere buarengatik «gorrotoa eta nazka» sentitzen duela. Epaiaketa atzo hasi zen, Donostiako Auzitegiko Lehen Aretoan, eta fiskalak 70 urteko espetxeratzeari esatu zuen akusatuarentzat behin-behineko ondorioetan.

Fiskalaren galderei erantzunez, 24 urteko akusatuak onartu zuen 7 eta 4 urteko bi anaiei ukituak egin zizkiela, baina ukatu egin zuen uzkitik zakila sartu eta felazioak egin zizkiela. «Banekien gaizki zegoela, baina ezin nintzen gelditu», esan zuen akusatuak. Fiskalak etengabeko bederatzi abusu leporatzen dizkion arren, akusatuak dio noizean behineko gertakaria izan zela, «damutua» dagoela eta Martuteneko espetxean daramatzan bi urteetan psikologoaren laguntza jasotzen ari dela.

Umeek ez zuten deklaratu

Haurrek ez zuten deklaratu atzoko saioan, baina umeek esandakoak azaldu zituen haien amak. Bizilagunak —akusatua bizilaguna baitzuten— hozka egin ziola eta zakilean min zuela esan zion amari anaia gazteak, eta horrela jakin zuten abusuen biktimak zirela. Ondoren auzitegi mediku eta psikologoei gauza bera esan zieten umeek; ukituak egiten zizkiela, genitalak miazkatzen zizkiela eta horietako batean anaia txikiari «atzean» min egin ziola.

Epaiaketa deklaratu zuten lau auzitegi medikuek haurrek esandakoak berretsi zituzten. «Sexu jatorriko trauma» dute bi umeek, haien arabera; hala ere, esan zuten, azterketa fisikoek ez dute azaltzen uzkitik ezer sartu izana.

Martuteneko psikologoek esan zuten, akusatuak «izaeraren desegituratzea» du, txikitik sexu abusuen biktimak izan zela.